



An Bhruiséil, 5 Nollaig 2018
(OR. en)

15027/18

Comhaid Idirinstitiúideacha:
2018/0216(COD)
2018/0217(COD)
2018/0218(COD)

AGRI 599
AGRIFIN 139
AGRISTR 96
AGRILEG 216
AGRIORG 109
CODEC 2182
CADREFIN 390

NÓTA

ó:	An Uachtaránacht
chuig:	An Coiste Speisialta um Talmhaíocht/an Chomhairle
Uimh. an doic. ón gCoim.:	9645/18 + COR 1 + ADD 1 9634/18 + COR 1 + ADD 1 9556/18 + REV 1 (en, de, fr) + COR 1
Ábhar:	An pacáiste um athchóiriú CBT i ndiaidh 2020 a) Togra le haghaidh RIALACHÁN Ó PHARLAIMINT NA hEORPA AGUS ÓN gCOMHAIRLE lena mbunaítear rialacha maidir le tacaíocht do phleananna straitéiseacha arna ndréachtú ag na Ballstáit faoin gComhbheartas Talmhaíochta (Pleananna Straitéiseacha faoi CBT) agus arna maoiniú ag an gCiste Eorpach um Ráthaíocht Talmhaíochta (CERT) agus ag an gCiste Eorpach Talmhaíochta um Fhorbairt Tuaithe (CETFT) agus lena n-aisghairtear Rialachán (AE) Uimh. 1305/2013 ó Pharlaimint na hEorpa agus ón gComhairle agus Rialachán (AE) Uimh. 1307/2013 ó Pharlaimint na hEorpa agus ón gComhairle b) Togra le haghaidh RIALACHÁN Ó PHARLAIMINT NA hEORPA AGUS ÓN gCOMHAIRLE maidir leis an gComhbheartas Talmhaíochta a mhaoiniú, a bhainistiú agus faireachán a dhéanamh air agus lena n-aisghairtear Rialachán (AE) Uimh. 1306/2013 c) Togra le haghaidh RIALACHÁN Ó PHARLAIMINT NA hEORPA AGUS ÓN gCOMHAIRLE lena leasaítear Rialachán (AE) Uimh. 1308/2013 lena mbunaítear comheagrú na margaí i dtáirgí talmhaíochta, (AE) Uimh. 1151/2012 maidir le scéimeanna cáilíochta do tháirgí talmhaíochta agus do bhia-earraí, (AE) Uimh. 251/2014 maidir le sainmhíniú, tuairisc, cur i láthair, lipéadú agus cosaint tasc geografach i ndáil le táirgí fíona cumhraithe, (AE) Uimh. 228/2013 lena leagtar síos bearta sonracha don talmhaíocht sna réigiúin is forimeallaí den Aontas, agus (AE) Uimh. 229/2013 lena leagtar síos bearta sonracha don talmhaíocht i bhfabhar na n-oileán beag Aeigéach - <i>Tuarascáil ar dhul chun cinn ón Uachtaránacht</i>

I. RÉAMHRÁ

1. D'fhoilsigh an Coimisiún ar an 1 Meitheamh 2018, mar chuid de roinnt tograí reachtacha eárnála lena gceaptar beartais Eorpacha, pacáiste de thrí thogra reachtacha don Chomhbheartas Talmhaíochta (CAP) don tréimhse 2021-2027. Cuimsítear ann:
 - Rialachán rithábachtach maidir le pleananna straitéiseacha do CBT, lena gcuimsítear íocaíochtaí díreacha, idirghabhálacha eárnála agus forbairt tuaithe;
 - Rialachán maidir leis an gcomhbheartas talmhaíochta a mhaoiniú, a bhainistiú agus faireachán a dhéanamh air (dá ngairfear feasta: An Rialachán Cothrománach), lena dtugtar an Rialachán cothrom le dáta a thiocfaidh in ionad an Rialacháin atá ann cheana ar a bhfuil an t-ainm céanna; agus
 - Rialachán leasaitheach (an Rialachán maidir le comheagrú na margaí talmhaíochta (CEM)), lena leasaítear agus lena dtugtar cothrom le dáta na Rialacháin seo a leanas: Rialachán (AE) Uimh. 1308/2013 maidir le Comheagrú na Margaí Talmhaíochta (CEM), Rialachán (AE) Uimh. 1151/2012 maidir le scéimeanna cáilíochta do tháirgí talmhaíochta agus do bhia-earraí, Rialachán (AE) Uimh. 251/2014 i ndáil le táirgí fíona cumhraithe, Rialachán (AE) Uimh. 228/2013 maidir leis na réigiúin is forimeallaí agus Rialachán (AE) Uimh. 229/2013 maidir le hoileáin bheaga Aeigéacha.
2. Faoi Uachtaránacht na hOstaire, pléadh na trí thogra ag 23 chruinniú ar leibhéal na Meithle, ag 7 gcruinniú den Choiste Speisialta um Thalmhaíocht (CST) agus ag gach cruinniú den Chomhairle "Talmhaíochta agus Iascaigh". Rinne Meithleacha na Comhairle, ar a raibh de chúram, céad léamh ar gach aon cheann de na tograí. Cuimsíodh an méid seo a leanas san obair sin: barúlacha i scríbhinn ó na toscaireachtaí, mínithe i scríbhinn ón gCoimisiún agus moltaí ón Uachtaránacht maidir leis an dréachtú. A bhuí leis an obair sin, bhí an Uachtaránacht in ann an tuarascáil ar dhul chun cinn seo a chur i dtoll a chéile, ina gcuirtear béim i gcás gach aon togra ar cé mar atá ag éirí leis an gComhairle agus scrúdú a dhéanamh aici ar na téacsanna.

3. Mhol an Uachtaránacht go ndéanfaí leasuithe ar gach ceann de na trí thogra a leagtar amach in 15046/18, in 15058/18 agus in 14195/18. Chuir Uachtaránacht na hOstaire i dtreis nár cheart glacadh leis na leasuithe atá beartaithe amhail agus gur seasamh comhaontaithe ón gComhairle atá ann. Tá Uachtaránacht na hOstaire den tuairim, ámh, go ndearna na toscaireachtaí gach iarracht le go bhféadfadh Uachtaránacht inteachta na Rómáine leanúint den obair scrúdúcháin ar bhonn na moltaí nithiúla maidir leis an dréachtú.
4. Tá na moltaí ón Uachtaránacht maidir leis na tograí ón gCoimisiún a athdhréachtú faoi scrúdú ag na meithleacha faoi seach i láthair na huaire, ar bhonn na mbarúlacha ó na toscaireachtaí, agus an ionchuir agus na mínithe (i scríbhinn) ón gCoimisiún. Ós rud é gur rialachán ríthábhachtach de chuid an athchóirithe ar CBT faoi láthair an Rialachán maidir le Plean Straitéiseach faoi CBT, féadfar teacht ar fhormhór na moltaí maidir leis an athdhréachtú ann. I gcás an Rialacháin Chothrománaigh atá beartaithe, níl na hathruithe atá beartaithe ag an Uachtaránacht chomh líonmhar céanna ós rud é nár mhol an Coimisiún an oiread sin athruithe agus a moladh le hais an Rialacháin atá ann faoi láthair agus toisc go mbeidh na hathruithe atá á mbeartú ag brath ar an toradh a bheidh ar na pléití suntasacha beartais faoin Rialachán maidir le Plean Straitéiseach faoi CBT. A mhéid a bhaineann le Rialachán CEM atá beartaithe, bhí tograí tosaigh éagsúla faoi réir modhnuithe chun léiriú a thabhairt ar sheasaimh na mBallstát. Ina theannta sin, áiríodh roinnt moltaí sa bhreis mar thoradh ar na tograí ó na toscaireachtaí.
5. Ní fhéadfaidh an Chomhairle a seasamh iomlán a shuíomh i dtaca leis na trí Rialachán maidir le hathchóiriú CBT atá beartaithe ach a luaite a chomhaontófar na príomhghnéithe polaitiúla agus airgeadais ina leith laistigh den chaibidlíocht chothrománach maidir leis an gcreat airgeadais ilbhliantúil (CAI) don tréimhse 2021-2027).

II. **STAID NA HIMEARTHA I NDÁIL LEIS AN RIALACHÁN MAIDIR LE PLEAN STRAITÉISEACH CBT**

6. Is í an Mheitheal um Cheisteanna Cothrománacha Talmhaíochta (WP HAQ) a ainmníodh ina comhlacht ullmhúcháin de chuid na Comhairle atá freagrach as scrúdú teicniúil a dhéanamh ar an togra le haghaidh Rialachán maidir le Plean Straitéiseach CBT. Faoi Uachtaránacht na hOstaire, tháinig WP HAQ le chéile 17 lá chun scrúdú a dhéanamh ar an togra a bhí ar chlár oibre sé cinn de na cruinnithe de chuid CST freisin. Bhí malartú tuairimí ag na hAirí sa Chomhairle "Talmhaíochta agus Iascaigh" (Iúil agus Deireadh Fómhair 2018) faoi dhó, faoi roinnt gnéithe uileghabhálacha den togra agus chuir siad treoir ar fáil maidir leis an scrúdú teicniúil.

7. Chuir WP HAQ an chéad léamh ar an togra i gcrích ar an 13 Meán Fómhair 2018l. Rinne an Uachtaránacht achoimre ar an toradh a bhí ar an scrúdú teicniúil i dtrí thuarascáil ar "staid na himeartha (11490/18, 12228/18 agus 12447/18), ba dhíol sásaimh do CST ar an mórgóir ar an 10/24 Meán Fómhair agus an 1 Deireadh Fómhair iad. Chuir an Uachtaránacht na tuarascálacha sin i dtoll a chéile sa Tuarascáil ar dhul chun cinn (12717/18) a cuireadh faoi bhráid an Choimisiúin ar an 15 Deireadh Fómhair 2018.
8. I ndiaidh na treorach a fuarthas ó CST agus ón gComhairle, agus ar bhonn na mbarúlacha a chuir na toscaireachtaí isteach, rinne Uachtaránacht na hOstaire athdhréachtú ar an togra ón gCoimisiún; cuimsíodh gach Teideal agus formhór na nAirteagal sna hathruithe a moladh, agus áiríodh idir athruithe teicniúla agus athruithe níos substaintiúla ann. Agus an beart sin á dhéanamh aici, rinne an Uachtaránacht an méid seo a leanas:
- Chuathas i gcomhairle leis an gCoimisiún chun soiléiriú breise a fháil i gcás inar gá sin, d'fhonn an próiseas a athdhréachtú;
 - Ceartaíodh roinnt earráidí "cléireachais" sa téacs atá beartaithe, e.g. crostagairtí míchearta;
 - Rinneadh an téacs a shoiléiriú agus níos fusa don léitheoir lena thuiscint;
 - Áiríodh roinnt réamhchoigeartaithe dlí/teangeolaíocha ann;
 - Bhí rún ann aird a thabhairt ar na barúlacha agus na moltaí ó na toscaireachtaí inar léiríodh a raibh uatha i gcoitinne. Chuige sin, ní fheadfaí freastal ar gach aon mholadh ar leith, ach amháin na cinn sin is mó a rinneadh a roinnt nó na cinn sin is mó a bhí ag dul i dtreo lena mbeadh glacadh ag formhór na dtoscaireachtaí;
 - Cuireadh gnéithe áirithe i leataobh d'aon ghnó (arna gcur in iúl leis na lúibíní slabhracha {} sa téacs ón Uachtaránacht i gceangal leis seo) ar a measadh nach mór a marana a dhéanamh, nó nach é an t-am ceart chun foclaíocht mhalartach a mholadh;
 - Staonadh ó fhorálacha maidir leis an athdhréachtú a bhaineann le gnéithe airgeadais agus cothrománacha áirithe den togra (arna gcur in iúl leis na lúibíní cearnógacha []), a mheastar a bheidh mar chuid den chaibidlíocht chothrománach faoin gcreat airgeadais ilbhliantúil (CAI) 2021-2027.

9. Chuir an Uachtaránacht a cuid moltaí maidir leis an dréachtú faoi bhráid WP HAQ ar an 8 agus an 22/23 Samhain 2018. Ba dhíol sásaimh d'fhormhór na dtoscaireachtaí an téacs ón Uachtaránacht agus bhí siad den tuairim go gcuirfeadh sé bonn maith faoin obair a bheidh le déanamh feasta. Le cois na mbarúlacha ó bhéal le linn an chruinnithe, chuir na toscaireachtaí ábhair i scríbhinn isteach. Chuir an Uachtaránacht an dá ní sin san áireamh agus na moltaí athbhreithnithe maidir leis an dréachtú (15058/18) á n-ullmhú aici, agus an cur chuige céanna á chur i bhfeidhm mar a thuairiscítear i bpointe 8.
10. Ó thús deireadh an phróisis scrúdúcháin, tá an "tsamhail nua seachadta" tar éis teacht chun cinn mar cheann de na príomhghnéithe a bhaineann leis an togra maidir le Pleananna Straitéiseacha faoi CBT. Is é tuairim an Choimisiúin, go bhféachtar ann a áirithiú go mbogfaí i dtreo samhail ina gcuirtear an bhéim ar an bhfeidhmíocht agus ina ndéantar simpliú ar chur chun feidhme an bheartais chomh maith. Sa dianphlé a bhí ar bun in WP HAQ faoin "tsamhail nua seachadta" agus na gnéithe feidhmíochta lena mbaineann, thug CST agus an Chomhairle le fios go bhféadfadh na toscaireachtaí tacú leis an athrú beartais atá beartaithe *i bpriosabal*, ach tá gá le tuilleadh feabhsuithe chun gur córas níos infheidhmithe a bheadh ann. Áirítear ar na gnéithe sin nach mór tuilleadh anailíse a dhéanamh orthu, faoi na hUachtaránachtaí a bheidh ann amach anseo, an méid seo a leanas go mór mór: i) an deis luachanna bliantúla maidir le táscairí aschuir a bhunú roimh ré; ii) a indéanta atá méideanna aonaid i gcás idirghabhálacha nach bhfuil bunaithe ar limistéir; iii) a oiriúnaí atá na táscairí toraidh atá beartaithe; iv) na módúlachtaí agus an t-amchlár chun tuairisciú a dhéanamh ar spriocanna tábhachta a baineadh amach; v) na ceanglais maidir le tuairisciú, in éineacht leis na spriocdhátaí is infheidhme i dtaca leis an Rialachán Airgeadais agus a riachtanaí atá sé cinnteacht a bheith ann ó thaobh an nós imeachta bliantúil um tharscaoileadh.
11. Ní mór a marana a dhéanamh ar ghnéithe eile chomh maith, lena n-áirítear na gnéithe sin faoina ndearnadh Uachtaránacht na hOstaire moltaí agus roinnt de na gnéithe nach ndearnadh moltaí maidir leis an dréachtú fúthu go fóill. Ní mór mionanailís a dhéanamh ar na táscairí sin sna míonna amach romhainn.

III. STAIÐ NA HIMEARTHA MAIDIR LEIS AN RIALACHÁN COTHROMÁNACH

12. Rinne an Mheitheal um Cheisteanna Airgeadais i dtaca leis an Talmhaíocht (WP AGRIFIN) an Rialachán Cothrománach nua atá beartaithe a scrúdú cé is moite de na caibidlí a bhaineann leis an gcóras rialaithe uathoibrithe thionsclaíoch (IACS) (Airteagail 63-73) agus leis an gcóras rialaithe agus na pionóis maidir leis an gcoinníollacht (Airteagail 84-87), a cuireadh de chúram ar an Meitheal um Cheisteanna Airgeadais i dtaca leis an Talmhaíocht (WP HAQ) scrúdú a dhéanamh orthu mar gheall ar an saineolas teicniúil sonrach atá acu.
13. Faoi Uachtaránacht na hOstaire, cuireadh Tuarascáil ar dhul chun cinn ón Uachtaránacht maidir leis an Rialachán Cothrománach faoi bhráid Chomhairle Talmhaíochta agus Iascaigh mhí na Samhna (14197/18). Ag an gComhairle sin, bhí díospóireacht bheartais ag na hAíreí faoin togra, inar cuireadh béim ar leith ar na himpleachtaí a bhainfidh leis an Rialachán maidir le Pleananna Straitéiseacha faoi CBT agus leis an tsamhail nua seachadta i dtaca le hobair na ngníomhaireachtaí íocaíochta agus na gcomhlachtaí deimhniúcháin agus cibé an mbeidh CBT níos éifeachtaí ann de bharr an chreata nua feidhmíochta bliantúla atá beartaithe nó nach mbeidh (14198/18).
14. Ar bhonn na n-idirghabhálacha ó na hAíreí, d'fhéadfaí a bhaint de thátaí as go bhfuil meon oscailte ag na Ballstáit i gcoitinne i dtaobh na samhla nua seachadta agus i dtaobh an chur chuige nua feidhmíocht bhunaithe ach gur cuireadh saincheisteanna áirithe chun suntais nach mór tuilleadh plé a dhéanamh orthu amhail an méid seo a leanas: an cúnamh teicniúil (Airteagal 6 agus Airteagal 7); an t-ualach oibre agus freagrachtaí na gcomhlachtaí rialachais náisiúnta (Airteagal 8, Airteagal 9, agus Airteagal 11), lena n-áirítear saincheist líon na ngníomhaireachtaí íocaíochta; cúlchiste talmhaíochta (Airteagal 14); smacht airgeadais (Airteagal 15); oibleagáidí maidir le tuairisciú; íocaíochtaí a laghdú/ a chur ar fionraí (Airteagail 37-40); imréiteach airgeadais bliantúil agus imréiteach feidhmíochta bliantúil (Airteagal 51- Airteagal 52); an idirthréimhse; riail an tsaortha N+3 (Airteagal 32).

15. I ndiaidh Chomhairle mhí na Samhna, chuir Uachtaránacht na hOstaire roinnt moltaí maidir leis an dréachtú faoi bhráid na dtoscaireachtaí i dtaca le roinnt Airteagal sa togra agus é mar aidhm téacs na nAirteagal sin a oiriúnú le gur mó glacadh a bheadh ag na toscaireachtaí leo. Phléigh WP AGRIFIN na moltaí sin maidir leis an dréachtú, inar cuimsíodh soiléirithe teicniúla agus athruithe níos suntasaí ar an téacs, ag na cruinnithe a bhí aige ar an 21 Samhain agus an 4 Nollaig. Ar an mórgóir, féadfaidh na toscaireachtaí tacú leis na soiléirithe teicniúla a bhí á moladh, a thug an Uachtaránacht isteach sna hAirteagail seo a leanas sa téacs ón Uachtaránacht maidir leis an Rialachán Cothrománach atá beartaithe (15046/18): Airteagal 6 "Caiteachas CETFT"; Airteagal 8 "Gníomhaireachtaí íocaíochta agus comhlachtaí comhordaithe", mír (3)(b); Airteagal 11 "Comhlachtaí deimhniúcháin", mír (1)(d); Airteagal 15 "Smacht Airgeadais", mír (1) agus mír (5); Airteagal 30 "Íocaíochtaí eatramhacha", míreanna (1), (3), (4), agus (9); Airteagal 32 "Saoradh uathoibríoch i bPleananna Straitéiseacha faoi CBT", mír (1), mír (2), agus mír (4)(b); Airteagal 34 "Cosc ar chistiú dúbailte"; Airteagal 55 "Forálacha a bhaineann go sonrach le CETFT", mír (1) agus mír (2); Airteagal 88 "Faisnéis a chur in iúl", mír (1); Airteagal 96 "Faisnéis maidir le tairbhíthe a fhoilsiú", mír (1) go mír (3); agus Airteagal 102 "Aisghairm", mír (1).
16. Leagtar amach roinnt moltaí suntasacha maidir leis an dréachtú sa téacs ón Uachtaránacht sna hAirteagail seo a leanas: Airteagal 3 "Díolúintí i gcásanna *force majeure* agus in imthosca eisceachtúla"; Airteagal 8 "Gníomhaireachtaí íocaíochta agus comhlachtaí comhordaithe", mír (2), mír (2)(b), agus mír (4); Airteagal 35 "Incháilitheacht caiteachais arna thabhu ag na gníomhaireachtaí íocaíochta"; Airteagal 52 "Imréiteach feidhmíochta bliantúil", mír (2) & mír (3); Airteagal 75 "Grinnscrúdú ó na Ballstáit", mír nua 3; Airteagal 78 "Cúnamh frithpháirteach", mír 2; Airteagal 79 "Clársceidealú agus tuairisciú", teideal, mír nua (2)(b) agus mír 5 agus mír 6; Airteagal 80 "Ranna speisialta", scriosadh an tAirteagal ina iomláine; Airteagal 81 "Tuarascálacha", scriosadh an tAirteagal ina iomláine; agus Airteagal 83 "Cumhachtaí cur chun feidhme", míreanna (c) go (g).

Ba cheart a thabhairt faoi deara, áfach, bíodh agus go bhfuil na toscaireachtaí ar aon intinn i gcoitinne gur gá na hAirteagail thuasluaite a leasú, ní mór tuilleadh machnaimh a dhéanamh, faoi Uachtaránacht inteachta na Rómáine, ar na moltaí suntasacha ón Uachtaránacht maidir leis an dréachtú.

17. Aon athruithe a tugadh isteach sa téacs den togra ón Uachtaránacht maidir leis an gcóras rialaithe uathoibrithe thionsclaíoch (IACS) (i.e. Airteagail 63-73) agus leis an gcóras rialaithe agus na pionóis i dtaca leis an gcoinníollacht (i.e. Airteagail 84-87) is as obair WP HAQ a d'eascair siad. Déanfaidh WP HAQ scrúdú grinn ar na forálacha sin agus ar deireadh déanfar an toradh deiridh a bheidh ar obair WP HAQ maidir leis an dá chaibidil sin a chomhtháthú, gan é a phlé an athuair in WP AGRIFIN, sa seasamh ón gComhairle maidir leis an togra.
18. Chun go bhféadfaidh Uachtaránacht na hOstaire forléargas cuimsitheach a fhágáil ina diaidh ar an seasamh ó na toscaireachtaí maidir leis na hAirteagail ar thug Uachtaránacht na hOstaire fúthu sna hiarrachtaí maidir leis an athdhréachtú ar a ndéantar cur síos thuas agus ar an obair maidir leis an athdhréachtú a d'fhéadfadh a bheith le déanamh feasta, iarradh tuilleadh barúlacha ar an 4 Nollaig, inar iarradh ar na toscaireachtaí na hathruithe breise ar mian leo go gcuirfí i bhfeidhm ar an togra a chur in iúl agus cá háit go díreach sa togra ar theastaigh uathu go gcuirfí i bhfeidhm iad. Caithfear an méid a dúirt na toscaireachtaí i leith na hiarrata sin ar bharúlacha a phróiseáil agus anailís a dhéanamh air san athbhliain agus é a chur faoi bhráid WP AGRIFIN faoi Uachtaránacht inteachta na Rómáine le go ndéanfaí plé air.
19. Cuireadh gach foráil lena mbaineann impleachtaí buiséadacha nó de chineál cothrománach i leataobh go dtí go ndéanfar níos mó dul chun cinn ó thaobh CAI. Áirítear ar na forálacha sin, atá idir lúibíní cearnógacha sa téacs, an méid seo a leanas: (méid) an chúlchiste talmhaíochta agus an cúlchiste géarchéime atá ann faoi láthair a thabharfar anonn (Airteagal 14(2)); aisíocaíocht an smachta airgeadais le tairbhíthe (Airteagal 15(4)); méideanna réamh-mhaoinithe tosaigh (Airteagal 29(1)); an dáta maidir le saoradh uathoibríoch agus le riail N+2 atá beartaithe (Airteagal 32(1) agus Airteagal (4)); agus an tAirteagal atá beartaithe maidir le híocaíochtaí a chur ar fionraí i dtaca le heasnaimh sa chóras rialachais (Airteagal 40).

IV. STAID NA HIMEARTHA MAIDIR LE RIALACHÁN CEM

20. Ainmníodh an Mheitheal um Tháirgí Talmhaíochta ina comhlacht ullmhúcháin de chuid na Comhairle a bhfuil de chúram uirthi scrúdú teicniúil a dhéanamh ar an togra; cuireadh tús leis an scrúdú sin i mí Iúil 2018 agus leanadh leis i mí Mheán Fómhair 2018 faoi Uachtaránacht na hOstaire. Le linn na míonna sin, tugadh an chéad bhabhta den scrúdú ar an togra chun críche agus thug an Coimisiún tuilleadh soiléirithe ar ghnéithe sonracha den téacs.

21. Chuir an Mheitheal um Tháirgí Talmhaíochta an chéad léamh ar an togra i gcrích ar an 13 Meán Fómhair 2018. Rinne an Uachtaránacht achoimre ar an toradh a bhí ar an scrúdú teicniúil i dtuarascáil ar dhul chun cinn (14012/18¹), ba dhíol sásaimh do CST ar an mórgóir an méid sin ar an 6 agus an 12 Samhain.
22. Rinneadh an tuarascáil ar dhul chun cinn ón Uachtaránacht a thíolacadh sa Chomhairle "Talmhaíochta agus Iascaigh" ar an 19 Samhain 2018. Ag an gComhairle sin, bhí díospóireacht bheartais ag na hairí faoin togra, inar díriodh, go háirithe, ar a éifeachtaí atá na bearta tacaíochta don mhargadh atá ann faoi láthair. Ar bhonn na n-idirghabhálacha ó na hAirí, d'fhéadfaí a bhaint de thátal as go bhfuil cuid mhaith Ballstát nach bhfuil fonn millteanach orthu athbhreithniú a dhéanamh ar CEM agus bhí siad den tuairim gur éirigh leis an gCoimisiún leas a bhaint as na hionstraimí atá ar fáil ar mhodh solúbtha tráthúil le blianta beaga anuas.
23. I ndiaidh na teorach a fuarthas ó CST agus ón gComhairle, agus ar bhonn na mbarúlacha a chuir na toscaireachtaí isteach, chuir Uachtaránacht na hOstaire roinnt moltaí a bhí á moladh (14195/18) faoi bhráid na dtoscaireachtaí, inar cuimsíodh idir athruithe teicniúla agus athruithe níos substaintiúla. Agus sin á dhéanamh aici, bhí rún ag an Uachtaránacht aird a thabhairt ar na barúlacha agus na moltaí ó na toscaireachtaí, a léirigh tuairimí i gcoitinne a bhí acu. Chuige sin, ní fheadfaí freastal ar gach moladh ar leith, ach amháin na cinn sin is mó a rinneadh a roinnt nó na cinn sin is mó a bhí ag dul i dtreo lena mbeadh glacadh ag formhór na dtoscaireachtaí.
24. Tá an Uachtaránacht chun na leasuithe a bhí á moladh aici a chur faoi bhráid na Meithle um Tháirgí Talmhaíochta ar an 12 Nollaig 2018. Baineann formhór na n-athruithe ó thaobh ábhair de leis an bhforáil maidir le táscairí geografacha agus le hearnáil an fhíona. Ar na hathruithe eile ar Rialachán (AE) Uimh. 1308/2013 maidir le CEM is athruithe teicniúla den chuid is mó iad darb aidhm crostagairtí agus scriosadh contráilte a chur ina gceart a bhaineann le hathshannadh na n-idirghabhálacha earnála chuig an Rialachán maidir le Pleananna Straitéiseacha faoi CBT, agus a bhaineann leis na forálacha atá imithe i léig a bhaineann leis an earnáil siúcra agus le fóirdheontais onnmhairithe.

¹ Ar an 6 Samhain rinne an Coiste Speisialta um Thalmhaíocht (CST) plé ar an tuarascáil ar dhul chun cinn chomheagrú na margaí mar a leagadh amach é in 13578/18. Rinne CST plé ar thrí cheist a moladh sa tuarascáil agus chuir sé treoir ar fáil don phlé a lean ar aghaidh sa Mheitheal um Tháirgí Talmhaíochta.

25. Ar na gnéithe sin nach mór tuilleadh anailíse a dhéanamh orthu faoi na hUachtaránachtaí a bheidh ann amach anseo, áirítear iad siúd atá idir lúibíní slabhracha agus go háirithe an méid seo a leanas: blianta margaíochta a scríosadh (pointe 3), athruithe ar na rialacha a bhaineann le húdaruithe le haghaidh plandú nua (pointe 5) agus an deis a bheith ann aicmiú a dhéanamh ar na cineálacha fionchaor a bhfuil cosc orthu (pointe 6 agus pointe 9(v)). D'fhoilligh chun cinn a bhaint amach i ndáil leis an gceann deiridh, d'eagraigh Uachtaránacht na hOstaire seimineár teicniúil ar an 11 Nollaig 2018 chun athbhreithniú a dhéanamh ar na hargóintí ar son an togra ón gCoimisiún agus ina aghaidh ó thaobh na heolaíochta de agus tuairimí a mhalartú faoi na buntáistí agus na míbhuntáistí a bhain leis na cineálacha hibrídeacha i gcomhthéacs ábhair inní ó thaobh comhshaoil agus fiteashláintíochta de.
26. Cuireadh gach foráil lena mbaineann impleachtaí buiséadacha nó de chineál cothrománach go leataobh go dtí go ndéanfar níos mó dul chun cinn ó thaobh CAI. Áirítear ar na forálacha sin, atá idir lúibíní cearnógacha sa téacs, an méid seo a leanas: (1) leithreasuithe buiséadacha i dtaca le torthaí agus glasaí agus le bainne agus táirgí bainne a sholáthar i bhforais oideachais (an scéim scoile), (2) na leithdháiltí buiséadacha a fhoráiltear i Rialachán 228/2013 maidir leis na réigiúin is forimeallaí agus (3) na leithdháiltí buiséadacha dá bhforáiltear i Rialachán 229/2013 maidir le hoileáin bheaga Aeigéacha.
-